

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 45		Ramhlun North: Ni 8 November, 2025	
 BRANCH THU THAR ■ Ni 14.11.2025 (Zirtawpni) zan hian Branch Committee neih tum a ni a, member ten remchang lo insiam tur a ni. ■ Vawiin khan kan veng tlangval tlawmngai thenkhat ten Thlanmual, Zemabawkah Step rawng an hnawih. ■ Vawiin hian Mistiri Association, Ramhlun North Branch chuan Kuang siam hnatlang an nei a, member 25 lai an thawk chhuak a, tlai lamah zanriah an kilho nghal. ■ Pu John F. Lalrinsanga, ECM chuan Library-a dah tur lehkhabu pahnih min pe.		DENGUE NATNA CHUNGCHANGA HRIATTUR (AMC THUCHHUAK) Ramhlun North, the 8th November, 2025: State Vector Borne Disease Control Programme (SVBDCP), Health & Family Welfare Department chuan tunlai Aizawl khawchhung leh a chhehvelah Dengue natna a hluar mek ah Dengue chungchanga mipuite hriattur pawimawh thuchhuah an buatsaih a. Dengue hluar bikna hmunah te Local Council te nen a tangrualin Fogging Spray (thosi kah) neih thin a ni a. Hetianga hmalakna mamawh a awm hian Dengue vei mek te dinhmun hriat a tul hmasak thin avangin Dengue vei te chu Sub-Centre-ah emaw, Local Council-ah emaw in report tur a hriattir kan ni. He mi chungchangah hian mipuiten in report an ngaihpawimawh theihna turin hriattur pawimawh te tihchhuah a ni. ■ Dengue natna thehdarhtu thosi hi thosi chi khat Aedes aegypti (a dum leh a var tial rik rek), Mizoten thosi rang kan tih hi a ni. Dengue hi chi hnih (2)a then niin, chungte chu: a) Dengue Fever leh b) Dengue Haemorrhagic Fever (DHF) ■ Dengue natna hi hriatchhuah vat a, enkawl vat anih loh chuan natna hlauhawm tak, thihpui theih a ni. Dengue anih leh nih loh finfiah turin damdawiin pan vat thin ang che. ■ Dengue nih leh nih loh finfiah (exam) theihna khaw ELISA hi Sentinel Surveillance Hospital (SSH); Aizawl Civil Hospital leh Lunglei Civil Hospital ah te a awm a. SSH pan remchang ve theilo te tan District Hospital, PHC/CHC/SDH/UPHC/HWC tin ah te hian thisen sample lain SSH a exam turin an thawn sak thei a ni. ■ Aedes thosi Dengue natna hrik paiin mi a seh atanga ni 5-6 chhungin natna a lang chhuak thin. ■ Dengue natna thlent Aedes thosi te hi kan in bul leh a vel a tuifim tlingah an awm thin avangin tui thin theihna hrang hrang; inchung zawl a tui tling, pangpar pot hun na, fridge a tui chhe inkhawlna, mau bung, tuizem chhin loh, motor ke chhia, bur chhia leh a dangte kar tin tifai thin ang che. ■ Dengue natna i lo vei anih chuan inenkawl na bik damdawi a awm lo tih hria la, a natna lanchhuah dan ang zel (symptomatic treatment) a enkawl thin a ni. Tuiril (fluid) lam ORS/ theitui/ Tui in tam la, uluk takin inenkawl la, damdawi lama thiamna nei doctor te rawn vat thin ang che. ■ Aedes thosi tui (egg) te hi tui tel lovin kum khat (1) aia rei an dam thei a, tui a lo awm remchan veleh an lo keu leh mai thin a ni. Fur ruahtui tlak lai leh tlak zawh tawh hnuah a hluar thin. ■ Dengue leh thosi in a thlen theih natna dang laka i him theih nan mimal invenna (personal protection) lamah tan la la, chhun leh zan mutnaah thosilen zar la, ram kalna ah emaw kawr ban tlawn leh kekawr tlawn ha la, thosi hlauh (mosquito repellent) hrang hrang heng Odomos leh a hal chi leh chhit chi te hmang thin ang che. ■ Dengue laka kan him nan thosi tih remna (source reduction) lamah tan lak theuh tur a ni a. Kan in bul leh a vela thosi pian theihna tur siam lo turin kar tin vawi khat (1) tal mahni in leh a vel tihfai thin tur a ni. ■ Dengue natna vei hmuhchhuah reng reng ten mahni awmna veng Local Council-ah in hriattir zel tur a ni. Hei hi vengchhungah vei awmzat chiang taka hriat anih theih nan leh vei awm zat atanga hmalakna kalpui dan tur hriat a nih theih nan a pawimawh hle.			
KUM 2025 AMC ROLL HEARING HRIATTIRNA Summary Revision of Electoral Roll, AMC, 2025 neih mek ah Ramhlun North huamchhunga mi, dilna thehlut zawng zawngte tan Govt. Model Primary School, Ramhlun North ah hetiang hian Hearing neih tur a ni: 1. Part-I, II, III (V-Sec, C-Sec leh T-Sec) te tan ni 11.11.2025 (Thawhlehi) chawhma dar 10:00 atangin (Part-I atanga tan tur a ni). 2. Part-IV, V, VI (N-Sec. S-Sec leh K-Sec) te tan ni 12.11.2025 (Nilaini) chawhma dar 10:00 atangin (Part-IV atanga tan tur a ni). He hearing-ah hian AMC Roll-a hming thun thar, paih leh siam that ngai emaw diltute chu anmahni ngei emaw an chhungte an inlan ngei tur a ni a, inlan lote chu an dilna hnawh anih pawhin an mawhphurhna a ni ang. Dilna a an thehlut documents original ken vek tur a ni. ■ Library Duty turte Ni 15.11.2025 1. Tv. Lalrintluanga 2. Tv. Vanlalhriata 3. NI. Lalmawizuali 4. NI. Lalrinsiami 5. NI. Lalmuanzovi 6. NI. Vanlalhruii 7. NI. Lalnunfeli		JOINT ACTION COMMITTEE HRUAITU THAR Ni 7.11.2025 zana Ramhlun North Joint NGO thukhawm chuan kan vengchhung a lo him zel theih nan kum 2025-2026 chhung atan Joint Action Committee (JAC) din leh nise tiin a rel a, hemi atan hian hruiatu tur an in ruat thar a, hruiatu turte chu heitang an ni: Chairman : Pu Lalmawizuala, K-Sec. Vice Chairman : Pu Thandigliana, K-Sec. General Secretary : Pu Zonunmawia, T-Sec. Treasurer : Pu K. Lalnithanga, C-Sec. Secretaries: : Pu Vanlalenkawla, K-Sec. Pu Zodingliana Zote, S-Sec. Pu Lalhruiatuanga, C-Sec. Pu Zothanmawia, N-Sec. Pu Z. Zomuanpuia, T-Sec. Pu Henry VL. Nghilhlova Zote, V-Sec.			



SUALNA NEM BEH

Spring (recoil) hi han nem ila, kan nem peih chen chen a tawm a; tha han thlah dul ila, kan thlah dul chen chen a rawn let leh a, kut han la sawn ila, kan thlah rual rualin ngai a rawn awh leh nghal mai thin. Spring chu bet reng se kan tih chuan spring tan peih chen chen a nemtu pawh a tan ve a ngai a ni mai. Hei hi khawtlang tâna sualna kan beihna kawnga tan kan lâk dân tur min zirtirtu ni fo teh se.

Hetia kan tih avâng hian ruihhlo leh sualna kan beihna kawngah hian spring nem beh ang lek, a tang a te an tan mar pâat theih loh hun, tha an thlah ve deuh apianga a hma anga awm leh mai thin tur kan ni tihna lam erawh a ni lo. Khawvelah hian sualna a pung zel a, kan ram ngei pawh khawvel sualna meialh lakah a fihlim ngai ta bik lo. Khawvel hmasawnna a kal ang zel hian sualna pawhin ke a chhep rem ve zel emaw tih tur a ni. Chuvangin, sualna hi a ûma um bo thak lam ai mahin a nem bettute'n an nem beh peih chen chen a bet thin chauh zâwk a ni mai lo maw tih tur a ni.

Tun hnai maiah pawh vêng chhungah ruihhlo man a ni a. Kan khawtlâng a thianghlim nâna thawktute hi hlawh neia thawk an ni lo va, an thawh hlawh sawrkârin thla tâwpah an bank account-ah a thunsak ngai lo. Pahmei tak tak, eizawnna hna tul kalsan thintute an ni. Tha thlah hauh lova han tan mar pâat kum tluan chu an tlin bik lo vang tih hi kan hriatpui a ngai hle mai. Tha an han thlah deuh lai lah hian zu leh ruihhloah te, rukruk leh sualna dang dangah te hian veng a hnung tawlh duh khawp mai lehngal a.

Hei tak hi kan theihnghilh ngai loh tur chu a ni. Sualna nêk beta nawr tawm tur hian mi tlem te kut hian a daih reng seng bik lo. "Mahni tum tâwk vanzema" tih ang maia mahni zâwna kan tan tlân a ngai a ni. Kumpuan member mi 10 vel an tan laia khawtlâng thianghlim deuh, an dul ve deuh veleh a thianghlim leh lo deuh, mi 10 vel lek kuta innghat mai mai veng nih hi i tum ngai suh ang u.



KHAWTHLIR

DUNGTLÂNG HMUN HLUI LUNGPHUN

Mizoram hian hmanlai thil hlui leh lungphun te eng emaw zat kan nei ve a. Hengte hi kan hnam rohlu te an ni a, kan history siamtute an ni bawk. Tin, tunlaiah ngat phei chuan kan sum hnar, khualzin te tlawh duh ber (tourist sites) pawh a ni bawk. Hêng hmanlai thil hluite hi tichhe lova kan hlut deuh deuh leh kan enkawl that a tul hle a ni.

Mizoram hmun eng emaw zatah hian hmanlai thil hlui, lungphun leh history nena inzawm tlat thil eng emaw zat kan nei a, khawchhak lam Champhai district lamah hian a tam zual niin a lang. Hetianga hmun hlui leh thil hlui enkawl ngai te chu Director, Art & Culture Department hnenah ziaka thlenin anin a hmunah a enfiah hnuah sawrkarah rawtna thlen leh thin a ni. Hetianga engkim tihfel a nih a, kan hnam tana thil pawimawh leh humhalh tlak ni-a a hriat chu 'Protected Site' ah puangin humhalh a ni thin.

Chung zingah chuan Dungtlâng hmun hlui-a Dungtlâng khua hi an lungphunte hi en ta ila.

Mizoram khawpui ding hmasa zinga sawi niin, in sangthum tia ziak an awm a, sangsarih tia ziak an awm bawk. A eng zawk zawka pawh chu ni se, sawi dan pahnih aâng hian Dungtlâng khua chu khaw lian tak a ni tih erawh a hriat theih. Ziaktute ziak dan leh zir Chiangtute zir Chianna aângin Dungtlâng khaw hmun hlui chungchangah hian an lungphun bik kan thaai lang dawn a ni.

Dungtlâng khaw hmun hlui hi Champhai chhim lam kilometre 65 vela hlaah a awm a. Tuna Dungtlâng khaw chhung leh an khaw lû, zawl durh lo mah se awih tlan, khaw hmun atana rem tawk tak maiah a awm a. Hmun hlui lungdawh hi Lianchiari lunglen tlânga aângah hmar lam tlâng dung kilometre 1.5 vela hla-a awm a ni. Dungtlâng hmun hlui lungphunte hi hmun khata awm vek a ni lo va, a tlara phun a awm laiin a hranga phun pawh a awm bawk. Mahse, a inhlal lem lo thung. Dungtlâng khaw hluia lung a hlawma phunte hi a sir tawn tawnin a tlara phun a ni a. Chhak lamah lung 47 leh thlang lamah lung 49 phun tlar a ni. Lungphun tlar chhak lam leh thlang lam inkâr hi hlam khat vela zau a ni tlangpui awm e. Lung phun tlar bul hnaiah hian lungphun dang 18 a awm bawk

a, a zat chhiar mai theihah chuan a vaiin lung 114 a awm. Heng lung 114 ah hian milem emaw thil dang lem emaw kêr a awm lem lo.

Heng a hlawma lung phunte bakah Zokhua an siamna, Lianchhiari Lunglen Tlâng bulah hian lung hlui 7 phun a ni a. Heng lungte hi Dungtlâng hmun hlui lungphun awmna aângah hmar lam, Dungtlâng khaw hlui chung Dawhhna ram aângin zokhua an din hnua an sawn phei a ni. An lakkhawm lai chuan heng lungte hi hmun hrana phun niin Zokhuaah hian a hlawma phun a ni. Heng zinga lung paruk ah hian lungphun kan sawi mekte ang lo takin mihring lem te, sakei lem ni awm tak te, se lu lem te, sakhi lem te, sazuk lem te, sanghal lem te, sava lem te, rul lem te, sai lem te leh lem dang eng emaw zat a khuara kêr a ni thung. An lem kêr han en hian pi leh pute'n Thangchhuah tura thah/kah ngai nia an sawi sa chi hrang hrang lem ni awm tak a chuan hlawm avângin Thangchhuahpa lung ni ngeiin a lang.

Dungtlâng khaw hlui lungphunte hi a lungah milem leh thil dang kêr a awm lem lo va, phun mawl ve tawp a ni ber mai. A phuntu chungchangah pawh Dungtlâng khawpui din hun nia lang nen an inhmu viau a, khang hun laia chengte ngeiin an phun kha a nih a rinawm.

Dungtlâng khawtlang hian hêng lungphunte hi kum 2012 h theih tûrin an chei tan niin an sawi. An chei hma hian lungphun thenkhat chu tlu in, a âwn te pawh a awm nual a, chungte chu tung dingin tûna a awm ang hian a lo chhuak ta niin an sawi a ni. Kum 2024 khan Dungtlâng khawtlang leh Mizoram University chuan hêng Dungtlâng hmun hluia sulhnu hlui awmte hi zir Chiang turin hma an la mek a. Eng tik ah emaw chuan heng hmun hluia sulhnu awmte chungchanga hriat fiah leh hriat belh tur awmte kan la hre thar zel tûrah i ngai ang.

ETHAN GO MOBILE

RAMHLUN NORTH

9863179654/ 7005693797

*Authorised dealer in NOTHING CMF mobile with Original Accessories

*Authorised dealer in Google Android Tv @ SONY, XIOAMI & PANASONIC

*All brand warranty + extra DISCOUNT on TV temper glass & V-Guard stabilizer for customer)

(Box open, refurbished & used item kan

Editor: Eddie Lalfakzuala (7005269255); Jt. Editor-te: Lalrotluangi Zote, RK Lalmuanpuia, Lalhuntluanga, Vanengmawia

Manager: C. Lallianzuala (9862365843); Asst. Manager-te: Zodingliana, Lalrinchhana, Lalrinawma

Circulation Managers: PB Lahuapzauva, Samuel Lahlupuia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

■ Pu Lalrochama, Branch V. President chu Central YMA thilah Sairang leh Vairengte inkar kawng siam mek en turin a kal.

■ Pu Lalfamkima, Ex-President chu Vellore-a in check up a kal chu a lo haw leh ta.

■ Dr. Vanlalhlana, Bialtu MLA chu Dampa bial ah a zin. Pu Lalfakzuala, ECM in a zui.

■ Pi C. Lalchhandami, Ward III Corporator chu dam lohna thilah tunkar khan Kolkata-ah a zin.

■ Pi V. Lalmalsawmi w/o Rev. R. Ramnghinglova, N-Sec. Vellore-a inentira kal chu an lo haw leh ta.

■ Pu Chalthanghlira K-Sec. NEIGRIHMS, Shillong-a hun engemawchen inenkawl a awm chu a lo haw leh ta.

■ Dr. Lalhmuchhuaka leh Pi Lalbiakhluni Hnamte te nupa, K-Sec. Europe ram fanga zin chu an lo haw leh ta.

■ Tv. Zorinsanga Sailo s/o Sangkhumi, V-Sec. chu KTP Meet hman turin New Delhi-ah a zin.

■ Pu F. Lalthangluaia, T-Sec. te chhungkua, in checkup turin Guwahati-ah an kal.

■ Pu Lalremsiama Khiantge, K-Sec. chu Central KTP programme in New Delhi-ah a zin.

■ NI. Lalthanpuii d/o Lalthankunga (L), T-Sec. chu a hna thawnna hmun USA atang chawlh hmangin a lo haw.

DAMLO

■ Pi B. Thanpuii w/o PC. Rohmingthanga T-Sec. chu Ebenezer Hospital, Chawnpui ah enkawl mek a ni.

■ Er. R. Lalthakima, T-Sec. chu Max Hospital, New Delhi-ah zai a ni.

■ Tv. VL. Hmangaihkhima s/o VL. Hmangaihlana, T-Sec. Ebenezer Hospital-ah accident vangin enkawl mek a ni.

■ Tv. Lallawmawma s/o R. Lalmuanawma S-Sec. chu Synod Hospital, Durtlang ah enkawl mek a ni.

■ Pu Hmuakliana, N-Sec. chu Synod Hospital, Durtlang ah enkawl mek a ni.

■ Pu Byron Lalsangkima, C-Sec. chu Kolkata-ah a kal (kidney) thlak a ni.

■ Pu K. Zosangliana, C-Sec. chu natna hrang hrang avangin Nazareth Hospital, Chaltlang ah enkawl mek a ni.

■ Lalmalsawma Khiantge s/o Robert Lalfamkima, V-Sec. Ebenezer Hospital-ah zai niin in lama inenkawl chhunzawm turin a lo chhuak.

LEI PIAH LAMAH

Pu PB Lalramthanga,

K-51 w/o Lalhlupuii, T-Sec. chu ni 3.11.2025 zan dar 11:00 khan a boral a, a ruang hi lumen anih hnuah ni 4.11.2025 chhun dar 12:00 ah Ramhlun North Thlanmual, Zemabaw ah vuiliam a ni.



Pi Lalliani, K-84 w/o

R. Vanlalkunga (L), S-Sec. chu ni 4.11.2025 zan dar 9:00 khan a boral a, a ruang hi lumen a ni a, a tuk ni 5.11.2025 chhun dar 12:00 ah Ramhlun North Thlanmual, Zemabaw ah vuiliam a ni.



Pi Kapchini, K-100

w/o H. Thankuma (L), C-Sec. chu ni 4.11.2025 zan dar 9:05 khan a boral a, a ruang hi lumen a ni a, a tuk ni 5.11.2025 chawhnu dar 2:00 ah Ramhlun North Thlanmual, Zemabaw ah vuiliam a ni.



Dr. G. Lalthianghlina,

K-44 h/o Dr. Rohlupuii Ralte, C-Sec. chu ni 6.11.2025 10:40 PM ah a boral a, CMC Vellore a boral anih angin 8.11.2025 ah a ruang hi rawn thlengin lumen a ni ang a. Ni 9.11.2025 chhun dar 12:00 ah Ramhlun North Thlanmual, Zemabaw ah vuiliam a ni ang.



Lusun khawhar chhung te thlamuantu Pathianin vengin awmpui mawlh rawh se.

CENTRAL YMA THU THAR

■ 27.10.2025: Secretary, Art & Culture Deptt. Pisa-ah Chief Minister Excellence Award Selection Committee meeting neih a ni a, Pu M.S. Ralte, Fin. Secretary a tel.

■ 28.10.2025: Chief Minister Conference Hall-ah Chapchar Kut 2026 chungchang meeting neih a ni a, Prof. Malsawmliana General Secretary a tel.

■ 4.11.2025: SAD Conference Hall-ah Hulhliap Short Stay Centre chungchang meeting neih a ni a, Er. H. Duhkima, Treasurer a tel.

■ 7.11.2025 : Central YMA Committee Room-ah Central YMA Office Bearers thlan tharte leh Mizoram Journalist Association (Aizawl) ten thingpui inho pahin inkawmhona an nei.

KEIMAHNI

■ Ni 15.11.2025 hian MARYMA Editorial Board leh agent zawng zawng te intuaitharna neih tum a ni a, lo hriat lawk tur a ni e.

LOCAL COUNCIL

■ November ni 10 – 15, 2025 chhungin a hnuai a mi ang hian vengchhungah PROPERTY TAX a pek theih dawn a, a hnu lama harsatna kan tawh loh nan vengchhung mipuiten heng a pekna hmun ruahmanah hian pe theuh turin kan inngen a ni.

Tax pekna hnunung ber Receipt kan tel tur a ni. November ni 10-11, 2025

A hmun: Govt. Endala Middle School

(Khuangchera leh Saizahawla Section)

November 12-15, 2025

A hmun: RSC Field

(Vanapa, Taitesena, Neuva, Chawngbawla Section)

■ Mahni ran vulh kan khuahkhirh that viau rualin Ui chhuak man tur a awm leh thin a, Ui vulhtutte fimkhur lehzuat turin kan in chah nawn leh a, Mahni thenawm hnai pawh nise Ui chhuak kan hmu a nih chuan thlalak in thawn hreh lo turin kan inngen nawn leh a ni.

■ Vengchhungah Septic Tank Leak a awm nual tih report dawn a ni a, mahni Septic Tank theuh te enfel a, midang tana rimchhia awm lo tura lo siam tha turin chhungtinte kan inngen a ni.

■ Local Council hmalaknain Thlanmual hluiah hlo tur kah a ni.

LAWMAWM

■ Pu H. Lalrotluanga, V-Sec. chu Junior Grade of MSS atangin Senior Grade of MSS ah a kaisang a, School Education Department-ah Under Secretary-in a awm ang.

■ Sarah Lalrinsangi d/o Lal Chungnunga (L) V-Sec. leh Isak Lalhruiatluanga Hnamte, Chanmari te chu ni 5.11.2025 (Nilaini) khan Chanmari Kohhran Biak Inah an innei.

THILDANG

■ **Ruangchhuak:**

1. **Joshua Lalnunhlua,** K-1.7 chu ni 6.11.2025 khan Synod Hospital, Durtlang ah a boral a, Pu Lalnunsanga, S-Sec. inah chawlpui a nih hnuah an khua Tualbung panpui a ni.

2. **Roluahpuia,** K-34 chu ni 7.11.2025 khan Aizawl Hospital-ah a boral a, C. Laltlansanga, V-Sec. inah chawlpui a nih hnuah an khua Lawngtlai panpui a ni.

PAWL DANG

■ **RSC:** Ramhlun Sporting Club (RSC) Basketball Team chuan ni 10.11.2025 hian Dawrpui Multi purpose Basketball Court-ah Republic Veng BC VR-4 nen an intum ang a. Ni 11.11.2025 hian Mischieve BC nen Hawla Indoor Stadium, Republic Vengthlang ah an khel leh ang. Vengchhung mipuite tawiawm turin min ngen a ni.

ARTICLE

Eizawнна - Kohhran leh Khawtlang Rawngbawlна

- Maruata Chhakchhuak, N-Sec.

Khuh Hawwna: Kum 2000 vela Mizo thenkhat Sap ram zu kalte thu sawi lar tak chu, **“Sap ramah chuan Thalai inkhawm hmuh tur an awm meuh lo, inkhawm thinte chu a tlangpuiin kum upa lam an ni”** tih a ni a. Khatih lai khan sap thalaite chu sakhuana ngaihsak lo, hlim hlawpna leh eizawwna lam um nasaah kan puh a ni ber mai. Kum 20 hnuah hian India hmar chhak kil khawr ber atangin kan hrethiam tan dawn chauh niin a lang.

Education Minister, Pu Mathlantea'n MISSTA Silver Jubilee leh General Conference a hmanpuinaa a thusawi, **“Kohhran leh Khawtlang rawngbawlna ngaih pawimawh vanga sikul kal tlai, ban hun hmaa haw leh class lak thulh hi awm tawh lo se”** tih chu social media lamah sawi zui a hlawh viau a. Thenkhatah phei chuan rawngbawlnaa hun puma inhmang zawk tura a tihna pawh hmuh tur a awm.

Kum 1994-a Pu Rin Sanga, IAS thuziak, **“Mizo Kristiante leh Sorkar hnathawh”** tihah chuan, Bangalore khawpuia Secretariat pui ber bathlarah chuan, **“Government Work is God's Work”** tih an târ thu a ziak a, Mizo ñawngin, Sorkar hna hi Pathian hna a ni, tiin a dah.

A Rautu A Thu Ber: Sorkar, Private Firm leh mi mal hnuaiah eizawmna hna kan thawk a nih chuan hei hi kan hriat a ngai, kan hun hi an hnenah kan hralh, tih leh hnathawh hun chhung chuan an bawih (Servant) kan ni, tih hi. Chuvangin, kan hun leitute chuan an sum sen tur zat mila an hna kan thawhsak an phut thiing. Sorkar hnuaia thawkte chu hnathawh hun chhung tura bitukah an hun leitu sorkar a thu ber. Hnathawka a chhawrte phalna lova an kal tlai emaw an bán hma emaw, chhan dang vanga an chawl fo a nih chuan an hun leitu chuan a duh angin hma a la thiing. Sorkar a thawkte hi kar khatah darkar 40 thawk tura beisei an ni. Mizoramah hian Inrinni kan chawlh avangin Ni Nga (5) chhungin darkar Riat (8) kan thawh ngei a ngaia, chu chre 9AM – 5PM tihna a ni. Zirma In leh Bank-te erawh a danglam hret thung. Mi mal hnuaiah pawh ni se Sorkar kalphung ang hi kan zui tlangui zel. Chuvangin, hnathawh hun chhungah chuan min ruaitute hi an thu bera an thu kan pawisa tur a ni.

Hun Hi Tangka A Ni: Hmasawnnain a thlen pawimawh tak pakhat chu, Hun hlutna kan hrethiam ve tan hi a ni. Eizawwna a harsa tual tuala, a ruaitu lam paw'n hun hlutna hriain an duh fir tawlh tawlh a, khawthlang ramte anga tun aia awmze nei zawka hun hman thiam hi kan hlat lo niin a lang. *Hun hi tangka a ni* tih a nawlpuia kan hriatthiam hunah chuan pawla kan inhmanna thenkhat hi a la tla hniamin a rinawm. Pawisa hlutna (Inflation) hniam zel mahse sum leh pai mamawhna erawh a sang zel thung si.

Mite'n Min Chhiar: Mi thenkhat chuan, an eizawwna hi Pathian rawngbawlnaah an ngaih loh thu an sawi thin. Kristianna leh eizawwna kan dah hran chhûng chuan kan ramah hian hlemhletna a bo a rinawm loh. *Mite'n min chhiar, min thliir reng e*, tih hla ang khan ringtu tha tak chuan Biak In pâwnah, *I rawngbawlna tur a intan chiah* tih hi kan zawm a ngai. Kan eizawwna chu eng pawh ni se hlim taka thawh theih a tha ber a, nuam kan tih dan ang ang (comfort zone)-a thawh tur erawh a ni lo. Ei kan hmuhna, kan dam khaw chhuahna leh kan intun nunna a nih avangin thil dang zawng aia dah pawimawh a tul hle a, a Pathian thu em em bawh. Kan eizawwna mil turin thil dang hi her rem kan tum zawk tur a ni.

Eng Zual Zel Se: Mizohnam hi vawiin thlengin Kohhran leh tlawmngai pawl hian min la phuar khawm tha hle a, a chhan chu Chanchinthi Meichher hmanga tih én kan nih vang a ni. He éng hian Kohhran leh khawtlang bakah kan eizawnaah tun aia nasain rah chhuah zel se a duhawm hle. CCS Conduct Rules chuan Sorkar hnathawkte hi Politics (family telin) leh NGO-a inhman a remti lo chungin, inhriatthiamnain a hruaitu bawr thlengin nihna kan chelh thei thung. Heng nihnate hi kan chelh lo thei lo a nih pawhin kan eizawna ti buai zawnga chhuanlama hman tam loh hi a tha khawp mai.

Tlipna: Eizawnga hna kan thawhnaah hian kan tlachhe ta hle tihna ni lovin, min sawisel fona laka mawhpurhna hlen leh hmasawnna hi kan thupui ber a ni. 2Thes. 3:10-ah chuan, “*Tupawhin hna a thawh duh loh chuan ei pawh ei suh se,*” tih kan hmu. Chuvangin, kan hlawh phu tawh ang ngeiin hna kan thawk tur a ni. Eizawnna kawngah harh tharna kan mamawh em? tih chu mahni theuh kan inzawhna tur a ni e.



FORD JUNIOR HIGH
AMHLUN VENGLAI, AIZAWL

RAMHLUN VENGLAI, AIZAWL

**ADMISSIONS OPEN
FOR LKG 2026-27**

- ICSE CAMBRIDGE
- LIMITED SEAT (ONLY 20 PER CLASS)
- HOLISTIC DEVELOPMENT

CONTACT: 8729984500
8575221396

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e.
Ph: 7005010327 / 9774223462 (10-4)

SP TUI

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047 (5-2)

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna. (10-3)
Registration: MRS 542
Contact: 9862476439 / 9436199884

SAWMA SEPTIC TANK SERVICE

Septic Tank khat paih fai, commode block, pipe fit, soak pit
thar siam engkim kan ti thei e.

Rate: Inbiakremna **Ph:** 8119969364 (10-3)

KHIANGTE SEPTIC TANK SERVICE

Septic Tank khat paihfaí, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e (20-3)

Contact - 9862344971 Bawngkawn South

L.H SEPTIC TANK SERVICE

Septic tank pailhfai leh repairing engkim kan thawk thei e.
Kum 17 chuang experience nei kan ni e.

Rate:4500 per trip (30-22)
Ph.6909183193

SEPTIC TANK KHAT & REPAIR

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373
C/o Marina: 9436140350 (5-5)

SANGA SEPTIC TANK SERVICE

Septic tank paihfai leh repairing engkim kan thawk thei a,
experience tha tak kan nei e. Rate hi INBIAKREMNA (5-4)

Mb. 9863524969/ 9366506115